

է: Եկեղեցականները նաև զանազան սրբոց մասունքներով շրջում են գիւղէ—գիւղ, քաղաքէ—քաղաք:

Երրորդ տեղն է բռնում կառավարութեան հարստահարութիւնը: Տասանորդական տուրքը գիւղացիք վճարում են տասին մէկ: Եւ բոլոր տեսակ տուրքերը միասին հաւաքած ամէն մի գիւղական շնչից պահանջում են մի մէջիտեայ:

Բայց այդ տուրքերը չեն գիւղացոց այնքան վեասողը, որքան տուրք հաւաքողները, որոնք անասելի չարիքներ են գործում գիւղերումը: Աւելի վատ է լինում, երբ որ կառավարութիւնը տասանորդական տուրքերի երեսը ծախում է կապալառուներին: Ապալառուները մեծ մասամբ ընկերութիւն են կազմում խառն հայ և թուրք դրամատէրներից): Գնող շահախնդիր կապալառուն, որքան որ ոյժ ունի ճնշում է գիւղացոց աւելի մեծ արդիւնք ստանալու համար:

---

Բացառութիւն է կազմում միայն վարադայ վանքը, որ թէմականաց նուիրատւութիւնը նոցա ազատ կամքին է թողել: Չնայեած որ յիշեալ վանքը Խրիմեան Հայրիկի հովանաւորութեան տակ, որքան կարողացել է իւր ուսումնարանից տուել է գիւղերին վարժապետներ, Կիւսցեալ ընկերութեան վասպուրականում ունեցած բոլոր ուսումնարանների վարժապետները վարադայ ուսումնարանի աշակերտներն են: